

格膏鋒漆鐔填巖掩窟觀殊杵舉逸辟尚揮霍以出
沒別有白貂飛駿窮奇驅獠牙若錯劍矚如叢竿口
吞矢鋌目極槍櫓碎琅弧攬玉弩射猛彘透奔虎金
鏃一發旁疊四五雖鑿齒磨牙而致伉誰謂南山白
額之足覲摠八校搜四隅馳專諸走都盧趨喬林撒
絕壁抄剽糊攬額囚馳驅於峻崖頓穀獲於穹石
養由發箭奇肱飛車巧聒更羸妙兼捕且墜鸚鵡於
青雲落鴻鴈於紫虛梢鷄鵠漂鷗鷯彈地廬與神居
斬飛鵬於日域摧大鳳於天墟龍伯釣其靈鼈任公
獲其巨魚窮造化之譎詭何神怪之有餘所以噴血
流川飛毛灑雪狀若平高天雨獸上墜於大荒又似

乎積禽爲山下崩於林穴陽烏沮色於朝日陰兔喪
精於明月思騰裝上獵於太清所恨穹昊於路絕而
忽也莫不海晏天空萬方來同雖秦皇與漢武兮復
何足以爭雄俄而君王茫然改容惓然有失於安思
危防險戒逸斯馳騁以狂發非至理之弘術且夫人
君以端拱爲尊玄妙爲寶暴殄天物是謂不道乃命
去三面之網示六合之仁已殺者皆其祀命未傷者
全其天真雖剪毛而不獻豈割鮮以悴輪解鳳皇與
鸞鷟兮旋騶虞與麒麟獲天寶於陳倉載非熊於渭
濱於是享獵徒封勞苦軒行庖騎酌醕韜兵戈火網
罟然後登九霄之臺宴八紘之圃開日月之扃闢生